

DIE VIII. DECEMBRIS.

IN SOLEMNITATE

IMMACULATAE

CONCEPTIONIS

BEATISSIMÆ VIRGINIS MARIÆ

NOSTRI SERAPHICI ORDINIS PATRONÆ.

Introitus.

Isai. 64.

GAUDENS gaudébo in Dómino,
et exultábit ànima mea in Deo
meo: quia índuit me vestimén-
tis salútis: et induménto justítiae cir-
cúmdedit me, quasi sponsam orná-
tam monílibus suis.

Ps. 29. Exaltábo te Dómine quoniam
suscepísti me: nec delectásti inimícos
meos super me. ¶ Glória Patri.

ORATIO.

DEUS, qui per Immaculátam Ví-
ginis Conceptiónem dignum Fí-
lio tuo habitáculum præparásti; quæ-
sumus, ut qui ex morte ejúsdem Fí-
lii tui prævisa eam ab omni labe præ-
servásti nos quoque mundos ejus intercessióne ad te pervenire concé-
das. Per eúndem Dóminum nostrum.

Et fit commemoratio Feriæ.

Léctio libri Sapiéntiæ. *Prov. 8.22.*

Dominus possédit me in initio viá-
rum suárum, antequam quidquam
fáceret a princípio. Ab æterno ordi-
nata sum, et ex antiquis, antequam
terra fieret. Nondum erant abyssi,
et ego jam concépta eram: neandum
fontes aquárum erúperant: neandum
montes gravi mole constíterant: ante
colles ego parturiébar: adhuc ter-
ram non fécerat, et flúmina, et cár-
dines orbis terræ Quando præpará-
bat cœlos, áderam: quando certa lege,
et gyro vallábat abyssos: quando
æthera firmábat sursum, et librábat

fontes aquárum: quando circúnda-
bat mari téminus suum, et legem,
ponebat aquis, ne transírent fiñes suos:
quando appendébat fundaménta terræ.
Cum eo eram cuncta compónens: et
delectábar per síngulos dies, ludens co-
ram eo omni témpore; ludens in orbe
terrárum: et delíciæ meæ, esse cum filiis
hóminum. Nunc ergo filii audíte me:
Beáti qui custódiunt vias meas. Audíte
disciplínam, et estóte sapiéntes, et nolíte
abiícere eam. Beátus homo qui audit
me, et qui vigílat ad fores meas quo-
tídie, et obsérvat ad postes óstii mei.
Qui me invénerit, invénet vitam, et
háuriet salútem a Dómino.

Graduale. Judith. 13. Benedícta es
tu virgo María a Dómino Deo excél-
so præ ómnibus muliéribus super
terram.

¶. *Ibid. 15.* Tu glória Jerusalém, tu
lætítia Israel, tu honoríféntia pópuli
nostri. Alleluja, alleluja.

¶. *Cant. 4.* Tota pulchra es María, et
mácula originális non est in te. Alleluja.

*In missis votivis post Septuagesimam
omissis Alleluja et ¶. seq. dicitur*

Tractus. Psal. 86. Fundaménta ejus
in móntibus sanctis: díligit Dóminus
portas Sion super ómnia tabernácu-
la Jacob.

¶. Gloriósa dicta sunt de te cívitas
Dei.

¶. Homo natus est in ea, et ipse
fundávit eam Altíssimus.

Tempore Paschali omittitur Graduale, et ejus loco dicitur:
Alleluja, alleluja.

¶. *Judith* 15. Tu glória Jerúsalem, tu lætitia Israél, tu honorificéntia populi nostri. Alleluja.

¶. *Cant.* 4. Tota pulchra es María, et mácula originalis non est in te. Alleluja.

Sequéntia sancti Evangélii secundum Lucam. *Luc. I. 26.*

IN illo tempore: Missus est Angelus Gábriel a Dño in civitátem Galilææ , cui nomem Názareth , ad Vírginem despensátam viro, cui nomem erat Joseph, de domo David, et nomem virginis María. Et ingrésus Angelus ad eam dixit: Ave, grácia plena: Dóminus tecum: Benedícta tu in muliéribus.

Credo quod dicitur per totam Octavam.

Offertorium. Luc. I. Ave, Maríá grácia plena: Dóminus tecum: Benedícta tu in muliéribus. Alleluja.

SECRETA.

SAlutárem Hóstiam, quam in solemnitaté Immaculatæ Concepti-

nis beátæ Vírginis Maríæ tibi, Dómine, offérimus, súscipe et præsta: ut sicut illam tua grácia præveniénte ab omni labe immúnem profitémur; ita ejus intercessióne a culpis ómnibus liberémur. Per Dóminum. *Præfatio de B. María Virgini* Et te in Conceptiōne Immaculatæ *Et dicitur per totam Octavam, etiam in Festis infra eam occurrentibus.*

Communio. Gloriósa dicta sunt de te María, quia fecit tibi magna qui potens est.

POSTCOMMUNIO.

SAcraménta quæ súmpsimus, Dómine Deus noster, illíus in nobis culpæ vúlnera réparent; a qua Immaculatam beátæ Maríæ Conceptiōnem singuláriter præservásti. Per Dóminum.

Infra Oct. Immaculatæ Conceptionis B. M. V. secunda Oratio dicitur de Feria, tertia de Spiritu sancto, nisi occurrat Festum duplex, aut semidupl., quia tunc fit de eo cum commem. Octavæ, et Feriæ.

